



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput VI. Nonnulla ex dictis deducta, ad majorem rei à nobis propositæ explanationem.

[urn:nbn:de:hbz:466:1-47123](#)

Hæc & multò plura Seraphica Teresia eo loco. Quæ
tursum in tractatu alio, quem inscripsit *Castellum animæ*, di-
fertè confirmat grandem errorem esse, si quis negligat exer-
Mans. 66
cap. 7.
cere se in conservanda præsentia sacræ Humanitatis Christi,
& in recolendis mysterijs vitæ ac passionis ejus, tametsi
multùm in spiritu profecerit. Sed jam tempus est, ut argu-
menti propositi, & suscepta à nobis disputationis finem
spectemus.

C A P U T VI.

*Nonnulla ex dictis deductæ, ad majorem rei à
nobis propositæ explanationem.*

Ex his porrò quæ pro instituti nostri ratione paulò pluri-
bus, pro rei autem dignitate nimis paucis, hucusque
disputavimus, quædam desumi possunt, sive ascetica princi-
pia, sive antedictorum consuetaria, ad rei totius explana-
tionem, & nonnullam quasi controversiæ compositionem
pertinentia. Quædam enim possimus aliter opinantibus
concedere, dum & nobis id quod contendimus, quodquæ
satis aperte (ut existimo) evicimus, ipsi concedere ne gra-
ventur.

¶. I.

*Duo quedam ultrò concessa, neque assertioni à nobis
positæ repugnantia.*

Primum: Id quod tradunt Theologiæ mysticæ Doctores;
anima scilicet ad intimam Divinitatis contemplatio-
nem & mysticam unionem admissæ, relinquendas esse om-
nes sanctas cogitationes & imagines, etiam sacræ Humaniti-
tatis Christi; ex eorum sensu duntaxat intelligi, atque à no-
bis quoque concedi, de actu ipso seu tempore talis contem-
plati-

plationis, seu cum mens proxime ad eum actum disponitur. Hoc enim aperte sonant atque exigunt quas initio produximus, B. Alberti, B. Angelæ, & Abbatis Blosij sententiae; & quæ ipsos ijsdem aliis locis præcipere vidimus, de assidue alioqui recolenda animoque versanda Christi passione.

Cap. 6.

Nominatim autem observanda sunt verba Blosij in illa sua

Institutione spirituali: ubi cum illud inculcasset, necessaria

rium esse ascetæ, ut præclaram crucifixæ Humanitatis Christi

imaginem in anima sue vires penitissime imprimat, & se totum

in illam immergit: sic enim fore, ut ad altissimam ejus Di-

vinitatem sustollatur; ad quod alias frustra aspiret: tum

illa subiungit hue pertinentia: *Sanè etiam si lumine gracie copiosè perfusus, nonnunquam extra suum naturale lumen rapi-**tur, atque in divitias Dei absorptus, sese in ipso lumine gratis**feliciter perdat; dum tamen sibi restituitur, convenientissime**cordis intuitum ad IESUM crucifixum revocabit, huic amabili**fundamento semper inherens.* Itemque in Speculo spirituali:*Qui autem illuc admittuntur, (scilicet ad unionem my-**sticam) debent præclarâ illâ Dei operatione in ipsis cessante,**mox resumere propriam actionem & sanctas imagines, bonaque**opera atque exercitia, &c.* Eademque mente Ioannes Rus-

Petrus. urit brochius apud eundem, ait: eos qui vitis mortui, Deoque

prec. §. 7. ac virtutibus viventes, in Deum excedunt ac rapiuntur;

Christo Deo homine in illis excellentissime vivente, & ima-

ginibus præditos, & imaginum expertos esse. Prædicti si que-

dem sive de picti sunt (inquit) imaginibus vita ac passionis Do-

mini IESU; in quantum scilicet in ejus meditatione atque

imitatione sese exercent: in spiritu autem suo (secundum

quem Deo adhaerescunt in mystica unione) à rerum omnium

simulacris prorsus liberi & nudi sunt, atque ob hoc ipsum in di-

vinam sunt transformati claritatem. Et simile quiddam tra-

dit S. Teresa, ut vidimus. His addo non omnem, etiam

sublimem atque divinam contemplationem, raptum, excessum

sum

sum mentis, absque sacrae Christi Humanitatis imaginibus, aut rerum aliarum simulacris contingere. Ut apparet, tum ex S. Bernardi sermonibus in Cantica, ejusmodi contemplationem, in eam quæ sit absque imaginibus, & eam cui adhuc rerum inferiorum phantasmatu insunt, distinguente; tum ex SS. Francisci atque Bonaventuræ, Sanctorum Catharinae Senensis, Lutgardis, Gertrudis, aliarumque divinis raptibus; in quibus tamen eorum animus, circa Christum, aut in stabulo natum, aut crucem bajulantem, aut cruci suffixum, eum amplexando, plegas osculando, fugendo vulneris cordis, aut mirabili ratione in illud subintrando, aliisque modis occupabatur.

8erm. 231
41. 45.

Alterum: Id quoque à nobis concedi, quod ex S. Bernardo dicitur: eum videlicet erga crucifixam Christi Humanitatem affectum, quo quis ad memoriam dolorum ejus piè dulcique compassione compungitur, neque ad divinorum ejus virtutum imitationem assurgit, quodammodo carnalem esse, nec multum ad veram spiritu perfectionem conducere. Sive quia, ut ait Blosius: *Qui ipsam Domini Spec. spir. passionem etiam cum larga lacrymarum effusione recolit, & tamen veram humilitatem, patientiam, resignationem atque charitatem negligit, certè parvum aut nullum fructum ex sua meditatione reportat: sive quia licet ex ejusmodi compunctione, prava fugiat, & rectis insistat; quamdui tamen illa non affectatur sublimissimarum virtutum exempla, quæ nobis Christus in passione sua exhibuit, nondum censendus est reipsa esse spiritualis.*

Neque porrò negamus, quod S. Thomas capite primo laudatus aiebat: devotionem principaliter circa ea, quæ sunt Divinitatis consistere: sed ipsa Dei attributa dicimus, in Christi passione potissimum elucere, ex ea cognosci, in ea (quando in hac vita, divina & intelligibilia in sensibili bus conspicimus) tanquam in illustri & præ ceteris claro speculo, spectari debere.

Quam-

Pref. Marg. Quamobrem verum est quod istuc etiam dicebatur; alias esse perfectorum proprias, alias incipientium, aut proficiunt, exercitationes. Sed verum est quoque, quod prædiximus, etiam ijs qui perfecti sint, non deesse in Christo crucifixo congrua exercitationis materiam: quod is, teste Blofio suprà, sit Liber perfectis imperfectisque communi-

De triūph. Chr. agon. cap. 20. nis; & in quo (ut alibi ait) quidquid ad perfectionem & contemplationis celitudinem pertinet, mirabiliter supernaturali- tèrque relucet & legitur. Atque ante illum B. Laurentius Iustinianus, de eo ipso Libro loquens: *Habet* (inquit) *forū simplex indoctus quod legat, habet spiritualis & perfectus intus quod intelligat: quia scilicet* (ut ibidem tradit) *charitatis compendium, perfectionis celitudinem, virtutum normam, Christus in hoc corporis sui volumine conclusit.*

Quò etiam tendit Guilielmi Abbatis S. Theodorici præclara sententia; qui in meditatione quadam, de sua a- gens circa Christum crucifixum occupatione, & ad quædam alludens Isææ verba cap. 6. *Non* (inquit) *despiciant me, Domine, super hoc, qui merentur te videre sedentem super solium excelsum & elevatum Divinitatis tuae, & maiestate tua reple- tem omnem terram: quia & ea quæ sub te sunt humanae dispen- sationis mysteria, omnis contemplationis replent templum, cu- juscunque sit magnitudinis. Sic ille.*

§. 2.

¶. Blof. in Ait. spiri- g. 10. *Qui intelligendum sit, quod hic à varijs dicitur: unicuiq ad divinam contemplationem & mysticam unio- nem esse aspirandum.*

Spec. Spir. cap. 10, Thom. à Iesu de orat. dñi cap. 23. *P*ostremum: quoniam Doctores mystici quandoque af- firmant, meritò debere omnem hominem, non tantùm ad vitæ perfectionem, sed per hanc, etiam ad illam intimam cum Deo adhæsionem aspirare, tanquam ad summum bo-

num

num quod possit homini obvenire in vita mortali: quan-
dóque è contrà aspirandum non esse significant; quòd nullo
conatu ad eam perveniri valeat, sed singularis sit Dei grātia,
sua dona quibus vult atque prout vult dividentis: videtur
ex dictis res ferè posse in hunc modum definiri

Primò enim eo aspirare licet (ei maximè qui perfectus
sit) sancto quodam, animæ amantis, & ad summam cum
Deo coniunctionem anhelantis, desiderio. Verumtamen
desiderio humili: ne fortè se dignum tanto Dei dono existi-
met, aut ad id etiam posse labore suo pertingere.

Quieto: rem omnem permittens ex parte sua suavissi-
mæ Dei providentiæ, in qua perinde acquiescat, sive ad al-
tiora provehatur, sive relinquatur in inferioribus; ei for-
tassis, demissione suâ, & amanti sub ejus nutus subjectione,
gratior acceptiōrque futurus.

Puro: sic ut eam sui ad Deum adhæsionem castè defi-
deret; non ullius sui commodi solatiū spiritualis gratiā,
(quod suprà diximus ad amorem proprium, & quandam
quasi fornicationem spiritualem pertinere) sed solo studio
divinæ gloriæ, & gratiā gustū ac beneplaciti divini.

Addit S. Bernardus id desiderium etiam ardens esse Serm. 31.
debere. Oportet namque (inquit) ut sancti desiderij ardor in Cant.
precedat faciem ejus (Dei scilicet) ad omnem animam ad
quam ipso venturus est, qui omnem consumat rubiginem vitio-
rum, & sic praparet locum Domino. At id jam ex parte vide-
tur ad sequentia spectare.

Secundò igitur aspirari potest, removendo à se omne
impedimentum excellentissimæ illius divinæ operationis.
Quòd pertinet non tantum puritas cordis, seu cuiusvis noxæ,
etiam levioris (qua saltē cum plena deliberatione suscipi-
tur) aut cuiusvis etiam intentionis sinisteroris, evitatio;
verùm etiam perfectæ mortificationis studium, atque com-
pressio omnium pravarum cupiditatum; itēmque exclusio
cura-

curarum superfluarum, & sancta quædam solitudo cordis, expunctis etiam (quoad fieri poterit) ex hominis mente universis rerum sæcularium formis ac simulacris. Ita enim divinus spiritus, qui in pace, silentio, tranquillitate libenter habitat, cā humilis mentis compositione delectatus, fortassis ad eam veniet, eique se modo singulari conjungeret.

Non tamen excludet asceta meus (quamdiu specialiter non prævenitur à Domino) ex animo suo omnes etiam rerum sanctorum, etiam sacrae Humanitatis Christi, imagines : quod suprà esse demonstravimus, multis & fallacijs & discriminibus obnoxium. Inestque insuper hoc periculi, ne conatu stulto atque supervacuo (imò & noxio) vel caput lœdat, & mentem obturbet ; vel dum ipsam Christi Humanitatis præsentiam, & omnem sanctam imaginem declinare nititur, omnem potius ex animo suo veram devotionem expungat, & se spiritu exuccum atque omnis saporis spiritualis expertem inveniat. Expectabit igitur verecundè, si forte aliquando vocetur ad beatum illud silentium atque otium sanctæ contemplationis. Interim stabit in loco suo : neque regiæ mensæ non invitatus se ingeret, neque in secretum Regis cubiculum improbè irruet non vocatus.

Serm. 31.
in Cant.

Farrag. u.
sil. inßit.

Accedendum enim ad eum, non irruendum (inquit S. Bernardus) *ne irreverens scrutator majestatis opprimatur à gloria.*

Neque tamen displaceat hoc loco Abbatis Blosij monitum illud, quod a seetæ suo his verbis tradit in quadam epistola : *Interdum etiam ipsis imaginibus humanitatis piè relatis, attende placide, simpliciter & amoroſe jucundam atque amabilem præsentiam Divinitatis, si potes.* Ita enim, alia quæque parum aut nibil considerans, nonnullam mentis nuditatem, cogitationisque simplicitatem in te senties.

Tertio : denique eodem aspirari potest ; sed juxta consuetas divinae providentiae vias ; quæ à nobis postulat scilicet, ut ad hoc ipsum comparemus nos, diuturna atque assidua

duâ virtutum fortium ac solidarum (quarum summum ac certissimum exemplar est vita & mors ac passio Salvatoris) exercitatione; utque nobis metip̄s penitissimè nos exuent̄, & veteris Adæ deponentes imaginem, crucifixæ Christi Humanitati configurermur, in ejus postea gloriosam Divinitatem, fortassis etiam in hac vita, singulari modo transformandi.

Quippe, ut antea non semel' cum Patribus diximus, crucifixa Christi Humanitas, via est pertingendi ad Divinitatem; tantum abest, ut ei impedimento sit: ipso etiam Christo Domino, disertè affirmante S. Gertrudi: affectum erga Crucifixi imaginem, non impedire fruitionem interiorum bonorum Dei.

*Divin. in-
fin. lib. 3.
cap. 43.*

Quæ omnia tandem id efficiunt, quod hac prolusione efficere ac demonstrare instituimus; seriam atque constantem circa Christum crucifixum occupationem, tum imperfectis tum perfectis esse necessariam; neque ijs etiam, qui ad sublimiora vocati sint, & quamlibet intimam cum Deo adhæsionem experti, aspernandam esse aut negligendam.

C A P U T VII.

*Frequentem passionis Christi memoriam aeterno
Patri acceptissimam esse.*

PROferamus nunc in medium incitamenta quædam specialia, quibus ad id Exercitij, quod præsenti tractatione commendandum suscepimus, in usus nostros deducendum, magis ac magis extimulemur. Quorum primum illud fit: Passionis ac mortis Christi devotam memoriam, aeterno Patri non posse non esse acceptissimam.

6

§ I.